



ANTHOLOGIE

PRIX MAURICE DE GUERIN

LO PRÈMI MAURICE DE GUERIN

LAUREATS EN LANGUE OCCITANE

Œuvres individuelles – 18 ans et plus

SANS TITRE

Començar, entamenar lo moviment
Se bolegar dins lo present
Metre dins un moment
Tot un trabalh aprestat menimosament.

Escriure, dire son sòmi, sa dolor
Sus una fuèlha blanca, far córrer la color
D'idèas, de sons, de sentors e de calor
E mostrar que cada mot a una granda valor.

Parlar, dire son amor a qualqu'un
Aver pas paur de l'inconeget
Abans que l'esper aja desaparegut
Dubrir son còr e gausar se fisar

Partir endavant, descobrir l'uman
Copar lo silenci, far lo primièr pas
Prene lo camin ont los autres van pas.
Sens tornar en rè, ni abandonar,

Córrer per saltar luènh, far una declaracion
Escriure un poèma, partejar una emocion,
Partir a l'aventura, per delà de çò que sabèm de nos
Per tot aquò, cal prene vam, e creire en l'avenidor.

Jérôme LOUBIERE

MEDAILLE D'OR

80 minutas

La veishiga que's pren la volada,
Los compairs de mesclada, que'm gahan
E jo haut que sauti, quan me pòrtan,
La bala hens las mans, a la cabussada

Que la cau jogar, chistera, navèth eslanç,
Tornar pujar la prada, setanta-cincau,
Que trauqui la dehensa, anem, avança,
Cinquantenat de mètres, a hum de calhau !

No's cau pas enganar, guardar lo vam
Que soi plan plaçat, hè passar, lo lanç,
Los pès qui non tòcan pas mei tèrra, qu'i vam

Cada camada que m'embriaga, anem
Drin de nhac ! Setanta-sheisau, marcar !
Que prengui la volada, veishiga en man.

Mathilde SUSBIELLES
MEDAILLE D'ARGENT

ESCRIURE,

UN VAM PER VIURE

Escriure...

Escriure en Òc, quina escomesa!

E pasmens: escriure.

Escriure, e se condemnar a èsser pas legit ?

Escriure per se? Per un cercle d'iniciats?

Per une sècta de legidors escasses, trigats,

Escriure per tres o quatre originals qu'an pas

qu'aquò a fotre?

Escriure per digús,

Escriure per pas res.

E pasmens: escriure.

Escriure, per destancar los mòts que

m'estofan,

Per cridar la colèra d'un mond que truca de
pertot,

Escriure per corregir las coardiás nòstras,

Per esvanir las nòstras renòncias,

Per desbondar lo malcòr que me claufís.

Escriure e oblidar un momenton la ròda fòla
del temps,

Destriar lo mistèri de l'origina e de la fin,

Escriure per cantar l'urgència de viure.

Escriure per viure mai, per sobre-viure...

Escriure...

Escriure en Òc, quina escomesa!

Mas encara: escriure!

Escriure e partejar lo fumet d'un matin de
prima,

Escriure per far sentir lo manhangum del
solelh,

Per donar a véser los verds de las pradas
alassadissas...

Contar las promessas de viatge de la mar,
Escriure, e crear l'infinit, darrèr lo blau del
cèl.

Escriure per cantar la beatat de ton arma,
Per gardar al còr las meravelhas de l'Amor,
Escriure e aviar los demans que fa nàisser ta
man,

Escriure per amagar darrèr los mòts lo tròp
mal, lo tròp ben,

Escriure e parlar de tu, sens relambi.

Escriure...

Escriure coma un baug, escriure sens plegar,
Coma una cèrca desaviada,

E totjorn: escriure!

Escriure: trantalhar, virar, revirar l'idèa,

Escriure: desclapar, esclapar, escalprar,
escrincelar los mòts,

Escriure: cercar, escafafar, agorrufar: tornar començar.

Escriure, e véser las letras s'apariar, s'estaloira.

Escriure...

Escriure e Trobar!.

Trapar perfin Lo mòt,
La dicha esbleugissenta,
La frasa bleuja,
Que desembolharà lo rambalh del mond,

L'embeleg,
Que pausarà tota evidéncia per l'eternitat.

Escriure coma un acte de fe dins ma lenga,
Escriure e parlar...
Escriure e semenar la levada venenta,
Escriure per Passar,
Passar avant de passar!

Escriure, cada jorn...
Escriure: Un vam novèl per Viure.

J. Amanç de GANOBRE
(Jacques PAGES)
MEDAILLE DE BRONZE

Œuvres individuelles – Adolescents 12-17 ans

PRENE DE VAM

Camin de planta, una filha polida

Ocasion de se lançar

Robin pren de vam e corrís

Augmenta sa vitessa, passa a costat de la filha

Tomba a costat de la filha

Gaujós, se releva, va a costat de la filha

E fan conéisença, traversan lo camin amassa

Rafael CHERIF

MEDAILLE D'ARGENT

Œuvres individuelles – Enfants moins de 12 ans

LA SABLA BLANCA

Corrissi a costat de la mar,
Sauti e m'enairi
Dins aqueles moments pensi a res...
Respiri...
M'arrèsti qualquas segondas e gaiti la mar,
Aussissi son bruch magic.
Tòrni partir...
Sus la sabla blanca,
Me colqui pel sòl e tampi los uèlhs.
Sentissi lo vent leugièr que passa al-dessus de mon cap
Pensi a mon païs: l'Occitània e sas fèstas, sos jòcs coma lo tambornet
Ara que soi grand farai tot per i tornar.

Léonie CALMETTES

PRIX DU JURY ESPOIR

Œuvres collectives – 18 ans et plus

PRENE DE VAM

Prene de vam

E se lançar

Se lançar dins la vida

S'alassar del pensament

D'un sol saut

D'una sola flama

Prene de vam

E se lançar

Se ronçar d'un gèst sensual

Rebombir per-delai lo cèl

D'un sol envòl

D'un sol desir

Prene de vam

E se lançar

Córrer dins lo negre

Gisclar per la glòria

D'un sol pas

D'una sola lagrema

Prene de vam

E se lançar

S'enauçar de cap al freg

Prene la volada sens esglasi

D'un sol fuòc

D'un sol trach

Prene de vam

E se lançar

S'auçar coma Icare

S'envolar a la partença

D'una sola aviada

D'una sola ardor

Prene de vam

E se lançar

Combatre lo temps

Resistir un momenton

D'un sol ponh

D'una sola arma

Prene de vam

E se lançar

Se getar dins lo void

Traçar tal Ovide

D'un sol esbòç

D'un sol raj

Prene de vam

E se lançar

Embraçar la victòria

Abrandar l'istòria

D'un sol còs

D'una sola estrencha

Delphine PERES et Laurie VIGROUX

PRIX DU JURY ESPOIR

Œuvres collectives – Adolescents 12-17 ans

POLIT MONDE

Preni de vam per tocar lo cèl

Coma l'aucèl, vau en abans

M'envòli al fíal del vent

Viatgi a l'entorn del mond coma una estèla filanta

Preni de vam per m'elancar dins la nuèch

Preni de vam per atrapar los nívols

Sus la tèrra coma dins lo cèl, sòmi de mon viatge fantastic

Subte, dubrissi mas alas per tombar fàcia a la realitat

Emmy CUTAYAR et Aurore BOISGONTIER

MEDAILLE D'OR

PERSEVERANCA

Preni de vam dins lo vent,

Per sautar abans de cabussar ;

Ai l'impression de volar,

Sortissi de l'aiga,

E en plen percors corissi,

M'arrapi a una causa,

TOMBI !

Me relèvi, tòrni començar,

TOMBI !

Tòrni començar.

Es aquò aprene !

Romane CHAVARDES, Mathilde CATHALA et Soane ROUBEAU

MEDAILLE D'ARGENT

PRENE DE VAM

Prene de Vam es pas causa simple dins l'espòrt

Es una preparacion per far un gèst.

Prenem de Vam abans una corsa.

Prenem de Vam abans un còp de raqueta.

Prenem de Vam abans de tustar la bala.

Mas pendent la corsa tombam mas se relevam tojorn pus fòrt.

Pendent lo còp de raqueta mancam la bala,

mas lo còp d'aprèp ganham lo punt.

Lo primièr còp mancam la gàbia,

mas sus un penalti marcam lo but de la victòria.

Alexis LAFON, Gabriel GARGALLO et Christina FOURDRIGNIER

MEDAILLE DE BRONZE

Œuvres collectives – Enfants moins de 12 ans

LO SAUTS D'ANIMALS

Los animals s'afrontan,

Per un concors grand, de sauts

Que van batre lo recòrd,

De l'elan totjorn concurrent.

La granòlha se lança amb fisança,

Sans prene de vam per sautar,

Dins un escapalon de sabla del Sahara.

La lèbra aurà batut son recòrd ?

Sautar naut, plan naut puèi torna tomba d'un còp !

Malurosament la lèbra sap sautar naut mas pas luènh.

Ni la granòlha, ni la lèbra an capitat a batre lo recòrd fatal de l'elan.

L'elan qu'es lo sol a préner de vam, arria davant.

Quand sautatz, pensatz a prene de vam.

Siméo VILLENEUVE et Noah RIGOT

MEDAILLE D'OR

SOMI O REALITAT

Sentissi lo vent dins mos pèlses,
D'aquí la vista es remirabla!
Soi al-dessús d'Albi,
Corrissi, sauti,
Puèi arribi al cap del Monument.
Aquí me sentissi coma un aucèl.
Tampi los uèlhs, 1,2,3, sauti...
Aquí es coma se lo temps s'arrestava... M'enairi!
Me desrevelhi rapidament.
Sosqui e comprèni qu'era un sòmi.
Auèi, i soi.
Soi prèste per defendre las colors de ma còla,
Per ganhar lo match de Tambornet!

**Lilith URBAIN, Nathanaël MOTTES BRET, Léonie CALMETTES, Alix MILLONES et
Julien CATHALA**

MEDAILLE D'ARGENT